

在田錄
明宮史
東朝紀
聖君初政記



東

朝

紀

王
泌
著

中
華
書
局

7155555555

東朝紀

五段

海上王 泌著

初太子讀書大本堂選民間之俊秀及公卿之嫡子入堂中伴讀謂之龍門秀才後以文華殿爲太子進講之所

宋學士景濂教太子之功居多因孫祚得罪連坐應死高后遣奏請免其死上未允太子泣諫亦未蒙恩太子計窮投金水河左右救止以聞上乃釋公竄之松潘

鈔法旣行上命太子專董其事時僞造甚衆比

有得者一見卽知真僞蓋其機識在二印僞者不知

國初疏牘奏御上一覽卽送東宮令叅決以觀才識後遂定制凡章奏必以副封啓東朝與實封同進

太子以二十五年夏薨將停群祀禮部當議如宋制從之

洪武二十五年九月十三日冊允炆爲皇太孫詔曰曩古列聖相繼御宇者首立儲君朕自甲辰卽王位戊申卽帝位于今二十九年矣前者

操將練兵平天下亂偃天下兵奠生民于田里
用心多矣及統一以來除奸暴去豪強亦用心
多矣邇來蒼顏皓首儲嗣爲重嫡孫允熲以九
月十三日冊爲皇太孫奉上下神祇以安民庶
誥示臣民想宜知悉

皇太孫洪武三十一年閏五月十六日卽 皇帝
位改明年爲建文元年追 懿文太子爲孝康

皇帝

懿敬皇太子妃爲皇太后

常遇春女

冊妃呂氏爲皇后

后壽州人太常卿呂本之女八月詔書曰將呂

后之父呂本靈位與太祖高皇帝同祀于西宮正指此也

皇帝嗣位之初卽下明詔行寬政赦有罪蠲逋租去事之妨民者明年以紀元賜高年米肉絮帛民鬻子者爲之贖免田之租稅幾分遣使者問海內所患苦者當廉平吏罪至死者多令活之于是刑部都察院論囚覩往歲減三之二人重犯法

上親擇二十四人爲採訪使以觀風謠給事華亭徐思勉亦與焉又改建都察院

史衣又賜宴于新治以寵之二年

元年使者還自西方得玉于雪山廣二尺色青先是上在宮儲時嘗夢神致上帝命授以重寶及是始應命工琢爲大璽方尺六寸九分親定其文曰天命明德表正萬方精一執中宇宙永昌名曰凝命神寶

上幸大學親祀孔子拜疏盥獻咸用享廟禮經紳聚觀皆思自奮以進庸于世

元年三月

處士高崑上時事一墾荒田二抑末藝三慎選舉四開鐵冶

七月十一日賜學士董倫御書怡老堂三大字及
綵几玉鳩杖各一

十二月癸卯朔乘輿臨視殿壇戒飭百官滌牲省
器是月戊寅上御奉天殿群公卿咸受誓戒
宿于齋宮明日巳卯出舍皇邸尚食進素膳
及期行事自元旦至于祭天地開朗日月輝華
方當出郊龍旗徐行萬騎不驚山川草木皆有
喜色六軍百姓欣躍聚觀

上于乾清坤寧南北二宮間爲退朝燕處之殿置
古書祖訓于其中沉玩深思名之曰省躬方孝

孺奉 諭譔銘

王紳禕之子 皇上卽位召入翰林編摩 太祖

實錄王景新一作影爲山西布政生事謫雲南

上召爲侍讀同脩 太祖實錄

聞之故老言洪武紀年之末庚辰前後人間道不
拾遺有見遺鈔于塗拾起一視恐污踐更置階
圯高潔地直不取也

建文國破時削髮披緇騎而逸其後在湖湘間某

寺中或曰武當山至正統時八十餘矣一日聞巡按

御史行部乃至察院言欲入陳牒明者不知誰

何亦不敢沮既入從中道行至堂下坐于地御史問爾何人訟何事不對命與紙筆卽書云告狀人姓某太祖高皇帝長孫懿文太子長子以付左右持上御史謂曰老和尚事真僞不可知卽真也爾老如此復出欲何爲曰吾老無能爲矣所以出者吾此一把骨當付之何地耶不過欲歸體父母側耳幸爲達之御史許諾命有司守護飛章以聞上令送京師至遣內監往視咸不識和尚曰固也此曹安得及事我爲問吳誠在否衆以白上上命誠往誠見和尚亦遲疑

和尚曰不相見殆四十年亦應難辨矣吾語若
一事昔某年月日吾御某殿汝侍膳吾以箸挾
一臠肉賜汝汝兩手皆有執持不可接吾擲之
地汝伏地以口嚙取食之汝寧忘之耶誠聞大
慟返命言信也上命迎入大內某佛堂中養之
久而殂云

初逸時由地中出雲遊河南江淮間既久入汴梁
某寺題詩云寥落東南四十秋而今霜雪已盈
頭乾坤有恨家何在江漢無情水自流長樂宮
中雲影斷朝元閣上雨聲愁新蒲細柳年年綠

野老吞聲哭未休

太祖嘗問劉誠意朕長孫享天下當幾何劉對曰
皇太孫骨氣不凡非富貴可久拘也 上問其
由不荅固問之劉曰此出家當得僊若嗣大位

入

而以燕王爲

右令嗣大

劉曰製

庶

以遺建文至是果以燕王難拔剌而遁燕王卽
位削去劉誠意伯爵

建文在儲貳時與燕王同侍太祖太祖出一對
以觀其志曰風吹馬尾千條線建文對曰雨打
羊毛一片氈燕王則曰日照龍鱗萬點金太
祖意以燕王氣象爲不小

建文未遜時先于大內蘭香殿聚珠衣寶帳及內
帑珍異諸物殿上塗猛火油貯瀝青其中語親
密宮人期以城破遜去舉火故當時以建文自
焚苑也